

天一閣藏明代方志選刊

# 太原縣志

太原縣志序

余少時讀史至趙襄子走晉陽卒脫於  
難乃豁然信曰果哉尹鐸保障之功有  
明徵矣邇歲被

命刺太原太原古晉陽郡也使余慄慄以  
懼辛壬間黠胡內寇至軼是郡而南瘡

瘼之民盜命於鋒刃間以供荷戈征輸之役越數歲滋繁是

國家汪濊寬仁之澤不能不奪於繭絲者矣比至郡急欲得志而觀之以見土產之豐約賦役之增損戶口之登耗風俗之媿惡亦將妄有覲焉乃聞志就殘逸

督學鄭公方事采輯未克即工既而余  
有事晉祠距太原邑治數里許見廢臺  
頽墉故址依然莫知為何及道中邑大  
夫高公題扁始知古晉陽乃於斯在因  
嘆曰茲其產鼃弗叛之地邪夫今流亡  
者何衆矣立馬荒蕪悄焉以悲今年春

高公脩邑志成緘以示余展開之為卷  
六為目四十有九考古昭今發幽剖疑  
陳常以備經紀異以徵變論議本於折  
衷藻績生於據實其間往事遺蹟可當  
郡故者為多不但土產賦役之類可得  
其槩而已蓋公抱負奇偉以誣早歸屢

勤薦者之疏故出此緒餘亦足垂後其  
視余竊郡符不能舉郡志者不可以評  
才力哉夫纂言以傳永外史之職也據  
志以平政有司之責也余不能寬繭絲  
之憂又不能即引去乃辱公以志序見  
委顧瓦礫奚可以冠王者托以自述焉

耳矣

嘉靖辛亥春三月望

賜進士出身太原府知府汝南張祉序



太原縣志凡例

一太原古稱晉陽都會之地其沿革人物在宋以前凡舊志可考者俱收載自宋以後碑刻載籍俱在舊平晉縣內遷縣之後湮廢俱不可考故不悉

一宦蹟人物善者畧加數語以見微意惡者不書隱惡揚善之意

一寺觀在本縣為多然古剎名山勝蹟所存



亦不可遺也故備錄之

一碑文多不能盡載故列碑目使後人有所考焉

一各條事蹟據事直書而意自見不著論斷者蓋一邑之公言非一人之私言也

太原縣志目錄

卷之一

沿革 分野 疆域 風俗 形勝 山川

城池 堡寨 坊郭 鄉鎮 橋梁 烽堠

公署 學校 郵舍 倉場 壇壝 宮室

祠廟 陵墓 寺觀 土產 戶口 田賦

土貢 徭役 屯莊 水利 古蹟 景致

名宦 職官

卷之二

寓賢 人物 科貢 恩封 恩蔭 武階

胥史 坊門 貞烈 仙釋

卷之三 祥異 雜志 遺事

卷之四 聖製

卷之五 集文

卷之六 集詩 碑目

太原縣志目錄終

太原縣志卷之一

邑人高汝行纂輯

邑人王朝立校正



太原縣古晉陽也本唐叔虞所封之地  
春秋晉甸吳戰于大鹵即此也三晉既分地  
入於趙秦為太原郡漢為晉陽縣屬太原郡  
後魏志云晉陽本唐國堯始都於此舜分為  
并州復省入冀周職方為并州兩漢魏晉因

之高齊河清四年移晉陽縣于汾東而于城中置龍山縣隋開皇十年省龍山縣徙晉陽縣于城中而于城東置太原縣大業十二年移太原縣入府城唐貞觀十一年展築東城遂置太原縣於汾水東唐建北都並為赤縣歷五代不改宋太祖建隆四年圍河東以晉陽縣為平晉軍不克而還至太宗太平興國四年平太原隳其城廢晉陽縣并罷軍名置

平晉縣于故城東北行營之次呂惠卿淨明  
寺碑云因北漢劉繼元降毀太原舊城歸平  
晉縣以榆次為并州遷其士民於新邑即此  
也咸平四年置永利監兼領縣事金大定中  
并州人請罷河北監事於此廢監官止立縣  
事貞祐四年秋七月廢平晉縣元復置隸太  
原路 **國朝** 仍為平晉縣洪武四年十二月  
移縣治于汾河西故唐城基之南至洪武八

年三月改為太原縣編戶九十里今為五十

五里

**分野**

太原屬河北冀州為參井所臨之次

**疆域**

在府西南四十里東抵榆次縣東賈村

二十五里南抵清源縣故驛鎮三十里西至

陽曲縣界御道川四十里北至陽曲縣北屯

四十里東西相距六十里南北相距七十里

**風俗**

士窮理學兼集辭章敦厚不華淳儉好

學工賈務實人物輩出皆有文武全才

太原圖經

其民勤儉質朴有唐堯遺風

太原舊志

**形勝** 山環水繞原隰寬平

**山川** 嬰山 縣西北三里隋圖經云嬰山為并州之主。即今五龍壩是三十里

石室山

縣西北七里記云太原郡山有石室方丈四尺旁有古字人莫之識今無

懸甕山

一名結紬山縣西一十里山腹有巨石如懸甕之山晉水所出山腹有巨石如

甕形

因為名宋仁宗時地震風谷山縣西

山拆巨石摧壞今無復甕形矣 里西屬交城縣入婁煩路唐北都西門之駟路也下有石穴相傳神至則穴有聲去則否



蒙山

縣西五里漢劉聰征劉琨不克掠晉陽之民踰蒙山西歸即此山也上有周將

楊忠碑忠即隋文帝父

尖山

縣西南一十里出礬炭龍山縣西八里北齊

取以名縣唐有裴休退隱之所其北有童子寺其南道中有泉嘗出白魚因名白魚泉

蒂谷山

縣西南二十五里有仙巖禪寺一所

礮石山

縣西南一十五

里有寺一所

駝山

縣東北五十五里其形如駝峯故名曰黑駝山出煤炭故也上

有補恩寺一所

卧虎山

縣西南七里以形似卧虎故名

柳子谷

縣西南一

十五里入天龍寺

黃蘆谷

縣西南一十八里

胡谷

縣西北四十里

井

谷

縣西北二十五里